

中國方志叢書·華北地方·第四五九號

據

民國·王琴林等纂修
民國二十一年刊本

影印

河南省

禹縣志

(六)

成文出版社有限公司印行

禹縣志卷二十

列傳 故家

故家者非但如金張藉舊七葉珥貂已也必如萬石君之醇謹袁楊之勲德又如南朝之王謝北朝之崔盧唐之河東柳氏宋之藍田呂氏皆一家之中自爲教學自爲風氣能遞嬗而不敝故足貴也禹在漢世領潁川名郡其大姓並稱褚原而原久西徙故不錄褚信久矣而少孫後又成曠僚今傳其家自西晉始明後馬氏爲最文升張之也迄於清之叔世時芳克稱後勁而其學能自樹義陶淑者遠非一家所得私也特出之以重儒學於其家世但列其名

馬此外董余劉趙以爲驂斬其庶子

褚氏

褚彘字謀遠河南陽翟人太傅哀之從父兄也父顧少知名早卒彘以才藝楨幹稱襲爵關內侯補冠軍參軍於時長沙王又擅權成都河間阻兵於外彘知內難方作乃棄官避地幽州後河北有寇難復還鄉里河南尹舉彘行本縣事及天下鼎沸彘招合同志將圖過江先移住陽城界潁川庾敳卽彘之舅也亦憂世亂以家付彘彘道斷不得前東海王越以爲參軍辭疾不就尋洛陽覆沒與榮陽太守郭秀共保萬氏臺秀不能綏衆與將陳撫郭重等構怨

遂相攻擊裴懼禍及謂撫等曰以諸君所以在此謀逃難也今宜共戮力以備賊幸無外難而內自相擊是避坑落井也郭秀誠爲失理應且容之若遂所忿城內自潰胡賊聞之指來掩襲諸君雖得殺秀無解胡虜矣累弱非一宜深思之撫等悔悟與秀交和時數萬口賴裴獲全明年率數千家將謀東下遇道險不得進因留密縣司隸校尉荀組以爲參軍廣威將軍復領本縣率邑人三千督新城梁陽城三郡諸營事頃之遷司隸司馬仍督營事率衆進至汝水柴肥口復阻賊裴乃單馬至許昌見司空荀藩以爲振威將軍行梁國內史建興初復爲豫州司馬督司州軍

事太傅參軍王玄代裴爲郡時梁國部曲將耿奴甚得人
情而專勢裴常優遇之玄爲政既急裴知其不能容奴因
戒之曰卿威殺已多而人情難一宜深慎之玄納裴言外
羈廢奴而內懷憤會遷爲陳留將發乃收奴斬之奴餘黨
聚衆殺玄梁郡既有內難而徐州賊張平等欲掩襲之郡
人違惑將以郡歸平荀組遣裴往撫之衆心乃定頃之組
舉裴爲吏部郎不應召遂東過江元帝爲晉王以裴爲散
騎郎轉太子中庶子出爲奮威將軍淮南內史永昌初王
敦構逆征西將軍戴若思令裴出軍赴難裴遣將領五百
人從之明帝卽位徵拜屯騎校尉遷太子左衛率成帝初

爲左衛將軍蘇峻之役朝廷戒嚴以裴爲侍中典征討軍
事旣而王師敗績司徒王導謂裴曰至尊當御正殿君可
啟令速出裴卽入上閣躬自抱帝登太極前殿導升御牀
抱帝翼及鍾雅劉超侍立左右時百官奔散殿省蕭然峻
兵旣入叱裴令下裴正立不動呵之曰蘇冠軍來觀至尊
軍人豈得侵逼由是兵士不敢上殿及峻執政猶以爲侍
中從乘輿幸石頭明年與光祿大夫陸晔等出據苑城蘇
逸任讓圍之裴等固守賊平以功封長平縣伯遷丹陽尹
時京邑焚蕩人物凋殘裴收集散亡甚有惠政代庾亮爲
中護軍鎮石頭尋爲領軍徙五兵尚書加奉車都尉監新

宮事遷尙書右僕射轉左僕射加散騎常侍久之代何充
爲護軍將軍常侍銜如故咸康七年卒時年六十七贈衛
將軍謚曰穆子希嗣官至豫章太守

晉書
本傳

裒字季野康獻皇后父也祖碧有局量以幹用稱嘗爲縣
吏事有不合令欲鞭之碧曰物各有所施榱桷之材不合
以爲藩落也願明府垂察乃捨之家貧辭吏年垂五十鎮
南將軍羊祜與碧有舊言於武帝始被升用官至安東將
軍父洽武昌太守裒少有簡貴之風與京兆杜乂俱有盛
名冠於中興譙國桓彝見而目之曰季野有皮裏春秋言
其外無臧否而內有所褒貶也謝安亦雅重之恆云裒雖

不言而四時之氣亦備矣初辟西陽王掾吳王文學蘇峻之構逆也車騎將軍郗鑒以裒爲參軍峻平以功封都鄉亭侯稍遷司徒從事中郎除給事黃門侍郎康帝爲琅邪王時將納妃妙選素望詔聘裒女爲妃於是出爲豫章太守及康帝卽位徵拜侍中遷尙書以后父苦求外出除建威將軍江州刺史鎮平洲在官清約雖居方伯恆使私童樵採頃之徵爲衛將軍領中書令裒以中書銓管詔命不宜以姻戚居之固讓詔以爲左將軍兗州刺史都督兗州徐州之琅邪諸軍事假節鎮金城又領琅邪內史初裒總角詣庾亮亮使郭璞筮之卦成璞詎然亮曰有不祥乎璞

曰此非人臣卦不知此年少何以乃表斯祥二十年外吾
言方驗及此二十九年而康獻皇太后臨朝有司以哀皇
太后父議加不臣之禮拜侍中衛將軍錄尚書事持節都
督刺史如故哀以近戚懼獲譏嫌上疏固請居藩曰臣以
虛鄙才不周用過蒙國恩累忝非據無勞受寵負愧實深
豈可復加殊特之命顯號重疊臣有何勲可以克堪何顏
可以冒進委身聖世豈復遠力實懼顛墜所誤者大今王
畧未振萬幾至殷陛下宜委誠宰輔一遵先帝任賢之道
虛已受成坦平心於天下無以內示私親之舉朝野失望
所損豈少於是改授都督徐充青揚州之晉陵吳國諸軍

事衛將軍徐充二州刺史假節鎮京口永和初復徵哀將
以爲揚州錄尚書事吏部尚書劉遐說哀曰會稽王令德
國之周公也足下宜以大政付之哀長史王胡之亦勸焉
於是固辭歸藩朝野咸歎服之進號征北大將軍開府儀
同三司固辭開府哀又以政道在於得才宜委賢任能升
敬舊齒乃薦前光祿大夫顧和侍中殷浩疏奏卽以和爲
尚書令浩爲揚州刺史及石季龍死哀上表請伐之卽日
成羣直指潤口朝議於哀事任貴重不宜深入可先遣偏
師哀重陳前所遣前鋒督護王頤之等徑造彭城示以威
信後遣督護糜疑進軍下邳賊卽奔潰疑率所領據其城

池今宜速發以成聲勢於是除征討大都督青瑒徐充豫
五州諸軍事袁率衆三萬徑進彭城河朔士庶歸降者日
以千計袁撫納之甚得其歡心先遣督護徐龕伐沛獲僞
相支重郡中二千餘人歸降魯郡山有五百家亦建義請
援袁遣龕領銳卒三千迎之龕違袁節度軍次代陂爲石
遵將李菟所敗死傷大半龕執節不撓爲賊所害袁以春
秋責帥授任失所威畧虧損上疏自貶以征北將軍行事
求留鎮廣陵詔以偏帥之責不應引咎通寇未殄方鎮任
重不宜貶降使還鎮京口解征討都督時石季龍新死其
國大亂遺戶二十萬口渡河將歸順乞師救援會袁已旋

威勢不接莫能自拔皆爲慕容皝及苻健之衆所掠死亡
咸盡哀以遠圖不就憂慨發病及至京口聞哭聲甚衆哀
問何哭之多左右曰代陂之役也哀益慚恨永和五年卒
年四十七遠近嗟悼吏士哀慕之贈侍中太傅本官如故
諡曰元穆子歆字幼安以學行知名歷散騎常侍祕書監

晉書外
戚傳

爽字弘茂小字期生太傅哀孫祕書監歆子太傅謝安見
其少時歎曰若期生不佳我不復論士及長果俊邁有風
氣好老莊之言當世榮譽弗之屑也惟與殷仲堪善累遷
中書郎義興太守女爲恭帝皇后子秀之淡之裕之義熙

中並歷大官

續晉陽秋
晉書本傳

裕之字叔度晉太傅裒之曾孫也祖歆祕書監父爽金紫光祿大夫長兄秀之字長倩歷大司馬琅邪王從事中郎黃門侍郎宋武帝鎮西長史秀之妹晉恭帝后也秀之雖晉氏姻戚而盡心於武帝遷侍中出補大司馬右司馬晉恭帝卽位爲祠部尙書宋受命徙太常元嘉初卒於官秀之弟淡之字仲原亦歷顯官爲宋武帝車騎從事中郎尙書吏部郎廷尉卿左衛將軍宋受命爲侍中淡之兄弟並盡忠事武帝恭帝每生男輒令方便殺焉或誘賂內人或密加毒害前後如此非一及恭帝遜位居秣陵宮常懼見

禍與褚后共止一室慮有酖毒自煮食於前武帝將殺之
不欲遣人入內令淡之兄弟視后褚后出別室相見兵人
乃踰垣而入進藥於恭帝帝不肯飲曰佛教自殺者不得
復人身乃以被掩之後會稽郡缺朝議欲用蔡廓武帝曰
彼自是蔡家佳兒何關人事可用褚佛佛淡之小字也乃
用淡之爲會稽太守景平二年富陽孫氏聚合門宗謀逆
其支黨在永興縣潛相影響永興令羊恂覺其謀以告淡
之淡之不信乃以誣人之罪收縣職局於是孫法先自號
冠軍大將軍與孫道慶等攻沒縣邑更相樹置遙以鄧令
司馬文宣爲征西大將軍建旗鳴鼓直攻山陰淡之自假

陵江將軍以山陰令陸邵領司馬加振武將軍前員外散騎常侍王茂之爲長史前國子博士孔欣前員外散騎常侍謝朌之並參軍事召行參軍七十餘人前鎮西諮議參軍孔寧子左光祿大夫孔季恭子山士並在艱中皆起爲將軍遣隊主陳願郡議曹掾虞道納二軍過浦陽江願等戰敗賊遂推鋒而前去城二十餘里淡之遣陸邵水軍禦之而身率所領出次近郊邵與行參軍漏恭期合力大敗賊於柯亭淡之尋卒諡曰質裕之名與武帝同故行字焉初爲太宰琅邪王行參軍武帝車騎參軍司徒左西屬中軍諮議參軍署中兵加建威將軍從征鮮卑盡其誠力

盧循攻查浦叔度力戰有功循南走武帝板行廣州刺史
加督建威將軍領平越中郎將在任四年廣營賞貨資財
豐積坐免官禁錮終身還至都凡諸親舊及一面之款無
不厚加贈遺尋除太尉諮議參軍相國右司馬武帝受命
爲右衛將軍武帝以其名家而能竭盡心力甚嘉之封番
禺縣男尋加散騎常侍永初四年出爲雍州刺史領寧蠻
校尉在任三年以清簡致稱景平二年卒子恬之嗣恬之
弟寂之著作佐郎早卒寂之子曖尙宋文帝第六女琅邪
真長公主位太宰參軍亦早卒曖子續位太子舍人亦尙
宋公主續子球字仲寶少孤貧篤志好學有才思宋建平